



UNIVERSITÄTS-  
BIBLIOTHEK  
PADERBORN

## **Facilis Et Succincta S.S. Canonum Doctrina**

**Pirhing, Ehrenreich**

**Dilingæ, 1690**

Sectio II. De Vivatio jurisdictionis.

---

[urn:nbn:de:hbz:466:1-61641](#)

ione Vicarii talis perpetui ) juxta gloss.  
in c. super eo 6. V. annexa de prab. in 6.  
nisi sit unio talis Ecclesiae facta pleno ju-  
re alteri Ecclesiae , tam quoad spiritualia,  
quam quoad temporalia , ita ut divisio  
unius v.g. Ecclesiae , ob distantiam facta  
quidem sit , subiecta tamen hæc maneat  
tanquam filialis , alteri Ecclesiae , ut ma-  
trici , & unus idemque sit utriusque Ec-  
clesiae intitulatus Rector , quamvis alte-  
ri per Vicarium temporalem deserviatur;  
quo in casu cura tam habitualis quam a-  
ctualis penes Rectorem principalem esse  
censetur ; sicuti autem non potest Pato-  
chus alium sibi similem substituere Pa-  
rochum , ita nec Vicarius perpetuus ali-  
um sibi similem perpetuum Vicarium ; &  
sicur ille ad perpetuam residentiam ita  
obligatur , ut tamen ad breve tempus ab-  
esse possit , cum vel etiam sine licentia  
Episcopi sui , juxta absentia rationem , &  
receptam in loco consuetudinem , con-  
stituto interea Vicario temporali , ita po-  
test etiam Vicarius perpetuus : cuius of-  
ficio non expirat per mortem principi-  
palis Parochi , ita ut possit a successore  
amoveri , sed praecise per mortem ipsius  
Vicarii , vel per privationem ob crimen ,  
aut causam , cui a jure privatio annexa  
est.

## §. II.

De Vicariis temporalibus , & co-  
operatoribus Parochorum.

**V**icarius temporalis dicitur ille , qui  
legitima auctoritate persona Eccl-  
esistica in locum alterius sine institutio-  
ne , ad tempus constitutus , & sufficitur ,  
congrua portione ei assignata , ita tamen  
ut ad naturam illius , a quo constitutus est ,

vel cuius vices gerit , amoveri possit ; ad  
qualem Vicariam constituendum plures  
quidem de jure communi cause conce-  
duntur , & approbantur , titulum tamen  
propriæ , & jus in parochia , aut benefi-  
cio , talis non haber , sicut habet Vicari-  
us perpetuus , sed jure parochiali , & cu-  
râ animarum penes rectorem principi-  
alem in actu etiam manente , Vicarius  
eam exercet ex commissione , & nomi-  
nare rectoris principalis constituentis eum ,  
ita ut Vicarii talis potestas expirat , non  
tantum per mortem principalis rectoris ,  
sed per revocationem etiam hujus con-  
stituentis ; & cum eadem sit jurisdictione  
Vicarii talis substituti cum jurisdictione  
substantientis Parochi , recte dicitur , qua-  
si ordinaria jurisdictionem habere , &  
partem suæ jurisdictionis saltem ad unam  
alteram causam delegare potest .

Alia tamen est ratio Cooperatorum ,  
quos Parochi , veluti ordinarii ovium sibi  
commissarum Pastores , assumere pos-  
sunt , & tuam illis jurisdictionem , si sint  
ab Episcopo approbati , delegare , ita ut  
tales cooperatores jurisdictionem sibi  
delegatam habeant , quam nec in calu  
particulari subdelegare possint sine com-  
missione Parochi .

## S E C T I O . II.

## De Vicario Jurisdictionis.

**V**icarius jurisdictionis dicitur ille , qui  
in foro contentioso & externo ju-  
risdictionem vice aliorum exercet . Du-  
plicis autem generis etiam hi Vicarii sunt ;  
alii enim sunt a lege five canone consti-  
tuti , quibus ordinaria jurisdictione , distin-  
cta

Et a jurisdictione principali, cuius vices gerunt, competit, quales Vicarii sunt Archidiaconi c. i. de officio Arch. nisi per consuetudinem, aut statuta particularia hujus jurisdictionis extiraverit, & hinc de his Vicariis nihil dicendum ultra: alii sunt ab homine, a superiori scilicet ordinario, ut vices illius circa jurisdictionalia exercant, quales sunt hodie Vicarii generales, qui ad totam diocesin ab Episcopo constituti sunt; & Vicarii foranei seu rurales, qui ad certum tantum districtum, & particularem locum jurisdictionem habent, de quibus supra dictum aliquid, cum de officio Archipresbyteri generalis dictum est. De Vicario ergo generali sit.

## §. I.

*De Vicario generali, seu officiali Episcopi, & ejus constitutione.*

**V**icarius Episcopi alius est simpliciter generalis, cui administratio tam in spiritualibus quam in temporalibus, quoad totam diocesin, & omnes causas commissa est; alius autem generalis secundum quid, vel in spiritualibus tantum, vel in temporalibus tantum. Illi absolute Vicarii dicuntur, vel cum addito Vicarii in spiritualibus, & in quibusdam diocesibus ab officiali Episcopi non distinguuntur. In aliis tamen distinguuntur, ita ut qui principalis est, & cui commissa sunt talis diocesis causae, absolute Vicarius dicitur, alter vero huic subiectus, qui Consistorio v. g. tantum praest, & cui certum tantum causarum genus commissum est, Officialis absolute dicitur quiibus etiam Apostolica rescripta expedire

S 3 neuter

neuter sit altero principalior, ille Vicarius ad expediendum hoc rescriptum videtur delegatus, cui impetrans rescriptum hoc prius obtulit, si nihil opponat, contra quem tale rescriptum impetratum fuit, vel si opponat incertitudinem delegationis, suspensa manebit delegatio, dum à Pontifice declaratio habetur. Sicuti autem in temporalibus Vicarius Laicus esse potest, ut dictum, ita qui in spiritualibus Vicarius est, Clericus esse debet (cùm Laici incapaces sint de jure can. spiritualis jurisdictionis) non quidem in sacris aut majoribus constitutus, nisi in Pontificalibus etiam Vicarius sit, prout communiter esse solent, qui Episcoporum sunt Suffraganei, sed prima saltu tonsura initiatus, qui habitum & tonsuram deferat, ut gaudeat privilegio clericali, & qui non sit conjugatus, ætatis saltu 25. annorum inchoatorum, à moribus & doctrina sufficiente instructus, & non sit ordinis mendicantium *clement.* 1. de regularibus. & quoniam ad constituendum illum non requiratur substantialiter scriptura, sèpè tamen hæc ad probandam & colligendam illius potestatem requiritur.

## §. II.

*An Vicariatus sit Ecclesiasticum beneficium vel dignitas, & an jurisdictionis Episcopalis sit ordinaria an delegata?*

**Q**uidam Ecclesiasticum beneficium non sit Vicariatus Episcopalis, sat's probatur ex definitione beneficii Ecclesiastici, quod debet esse jus perpetuum, & in titulum stabilem conferri, quæ non convenient Vicariatu huic, à quo ad nu-

tum Episcopi amoveri quis potest. Et tamen Vicarius generalis in dignitate Ecclesiastica constitutus, quia habet præminentiam cum jurisdictione conjunctam *gloss.* 1. in *clement.* 2. *V.* delegatus de rescriptis, utrum autem jurisdictione illius ordinaria sit, an delegata, in utramque partem probabilitate disputatur. Mihi probabilius, & iuri conformius videatur, quod Vicarii generalis jurisdictione sit ordinaria, & non delegata tantum, ut tenet *gloss.* in c. 2. *V.* officiale h. 1. in 6. & *gloss.* in c. Romana 3. *V.* generaliter de appellat. in 6. & ratio probat, quæ vult non dati appellationem à Vicario ad Episcopum, cùm tamen ad delegantem deatur appellatio c. super questionem 27. §. porrò de officio deleg. ergo jurisdictione Vicarii non est delegata, sed eadem potius cum jurisdictione ordinarii, quæ ordinaria est, ita ut Episcopus suo nomine & principaliter jurisdictionem suam exercere dicatur, Vicarius vero accessoriè, secundariè, & nomine alieno, ipsius licet Episcopi, nisi per speciale mandatum specialis illi causa demandata esset, quo in casu ad hunc decidendum, delegatam ab homine jurisdictionem habere censeretur.

## §. III.

*De illis, quæ Vicarius Episcopi facere potest, vi officii sui generaliter sibi commissi.*

**V**icarius generalis Episcopi ex officio suo omnes causas ad Episcopalem jurisdictionem pertinentes expedire potest, præter illas, quæ speciale mandatum requirunt c. licet 2. h. 1. ita ut presumptio quidem sit pro Vicarii potestate,

nisi

nisi vel ex jure scipto , vel ex recepta consuetudine probari possit, quod causa aliqua specialiter reservata sit Episcopo, haec tamen in mandato generali plenam & liberam potestatem concedente , ad omnia facienda , qua possit Episcopus, etiam si clausula addita sit, communicare ea, qua speciale etiam mandatum exigant, non comprehensa videatur, nisi specialiter exprimatur, ut gloss. afferit in c. 2. h. t. in 6. V. committantur : & probari potest argument. c. qui ad agendum 4. de procurator. in 6. vel nisi exprimatur saltem unum aliquid specialem commissionem requires , & clausula generalis de omnibus aliis , speciali mandato indigenibus addita fuerit ; quo in casu poterit quidem Vicarius generalis alia etiam non expressa, quamvis speciale mandatum requirent, exequi , minora tantum ramen expressis, vel aequalia , non autem majora. Haec tamen oratione plenius intelligentur ex sequentibus. Sit ergo.

## §. IV.

*De iis, que Vicarius generalis non potest facere, sine speciali commissione Episcopi; & in primis, de potestate cognoscendi causas criminales, matrimoniales,*

*& alias graviores expediendi.*

**I**ntra causas , que specialem commissione exigunt, neque in officio Vicariatus generaliter commisso, comprehensione censemur, numerantur causae criminales primum, ut patet ex c. licet 2. h. t. in 6. ( quia haec causa inter negotia majora reputantur, cum in illis agatur de puniendo graviter delinquente ) nisi inquit tantum & cognoscat de delictis, non ut ipse puniat, sed ut ad Episcopum

referat, vel nisi inquirat tantum ad emendationem , & scandalata avertenda ; vel nisi civiliter tantum de delicto aliquo agatur ; vel nisi penae tantum leves, multe v. g. peculariae, aut aliae similes imponendae essent, quibus in casibus etiam sine speciali commissione in causa tali criminali dicto modo procedi potest: quod si tamen expresa commissa ab Episcopo fuisset Vicario generali gravium delictorum punatio , non potest tamen ille penam a sacris canonibus constitutam , in mitiorem mutare, sine speciali etiam quoad hoc commissione.

Secundò numerantur ab aliquibus inter causas exceptas ab ordinario Vicariatus officio causae matrimoniales , quia tam de jure antiquo, c. accidentibus 12. de excess. Pralat. quam de jure Trident. sess. 24. c. 20. de reform. causarum matrimonialium cognitione Episcopalis dignitatis esse dicitur, & passim causae matrimoniales criminalibus equiparantur , ac inter arduas numerantur c. penult. de integr. res. valde tamen probabile est etiam contrarium , quod ex officio generali jus habeat cognoscendi causas matrimoniales Vicarius generalis, prout colligi potest ex c. 1. de frigidis &c. junct. gloss. V. missum , & ex c. final. de cognas spirit. cum causae matrimoniales non sint difficiles aded, & arduae, ut a solo Episcopo cognosci , & expediti possint; & in relat. c. penult. equiparentur criminalibus in hoc tantum, quod per arbitros cognosci non possint; Trident. verò & c. accidentibus non admittat Vicario generali jus cognoscendi causas matrimoniales , cum eadem illi sit cum Episcopo jurisdictione , sed inferioribus tantum Episcopo

copo Praelatis, qui distinctam jurisdictionem ab Episcopo habent, uti sunt Archidiaconi, in quibusdam partibus, Decani rurales &c. Attendenda tamen est hanc re consuetudo diæcesis.

Tertio non potest Vicarius vi commissionis generaliter sibi factæ, diæcessis visitare; synodum congregare, ultimæ plas voluntates ex qui, litteras dimissorias dare; res Ecclesiæ alienare; causas feudales cognoscere; aut juramentum fidelitatis à Vasallis, qui feendum Episcopale habent, recipere; indulgentias concedere; ea, quæ ordinis Episcopalis sunt, exercere; nisi sit in Pontificaliibus etiam Vicarius; nec alteri potestatem concedere exercendi in diæcesi, cuius Vicarius est, Pontificalia, de quibus tamen, uti & pluribus aliis consulendum mandatum Vicatiatus, & recepta consuetudo.

## §. V.

*An Vicarius Episcopi, vi generalis mandati, sine speciali commissione, possit conferre beneficia Ecclesiastica, vel aliter circa illa disponere?*

**E**X c. cum in generali b. t. in 6. satis patet, quod vi commissionis suæ generalis non possit Vicarius generalis beneficia conferre; neque enim potestas illius, quæ ob necessitatem aliquam in subsidium Episcopi instituta est, ad liberales donationes, qualis est beneficiorum collatio, extendi debet (& hinc potest Episcopus per specialem gratiam concedere Vicario suo potestatem, vel per totam diæcessin conferendi beneficia, ad suam collationem, de jure communis spectantia, vel ad certa tantum

beneficia, aut certi cuiusdam districtus, aut certæ personæ) neque potest Vicario ab Episcopo committi simul admittendi resignationem certi beneficij, & conferendi tale beneficium potestas, quia in tali casu committeretur beneficij nondum vacantis conferendi potestas, quod fieri non potest; si prius tamen, resignationem certi beneficij admittendi sit concessa potestas, potest ejusdem postea beneficij conferendi dare potestam Vicario Episcopus juxta gloss. communiter receptam in c. deliberatione 4. §. prohibemus V. cuicunque de off. legat. in 6. sicuti autem ex eo, quod sit concessa potestas Vicario resignationes liberas admittendi, concessa non videtur potestas conferendi talia beneficia, si non est concessa potestas tales beneficiatos suis beneficis privandi, cum haec potestates diversæ sint, & specialis illa concessa gratia, iuri communi contraria, sit stolidæ explicanda, prout in pluribus casibus attendi debet. Neque tamen per hoc, quod Vicario suo conferendi beneficia potestatem contulerit Episcopus, censor se ipsum eam privavisce, sed potest adhuc per se ipsum talia beneficia conferre, & prævenire Vicarium, argu. c. dudum 14. §. nos igitur de præbend. in 6. & si dubitatur, quis altero prior contulerit, præferenda semper est Episcopi collatio.

## §. VI.

*An, & qualis potestas dispensandi, vel absolvendi, Vicario competit ex vi officii sui?*

**U**T dispensare possit Vicarius in votis, juramentis, impedimentis, & legibus

legibus canonicis, specialis concessio necessaria est, nisi ab ipso jure commissa sit hæc facultas Vicario (prout dat potestatem dispensandi in denuntiationibus matrimonialibus, & promulgandi ac decernendi excommunicationem ad restitutio- nementum inventorum) vel nisi casus sint frequenter contingentes, prout dispensat quoad jejunia, festa &c. & quamvis Episcopus Vicario suo potestatem com mittere possit dispensandi in casibus per se Papalibus, à Pontifice tamen vel Con cilio, Episcopis ratione sua dignitatis Episcopalis per generalem concessionem commissis, qualiter dispensare possunt in omnibus irregularitatibus, & suspen sionibus, ex delicto occulto provenientibus, exceptâ illâ, quæ oritur ex homicidio voluntario &c. non comprehenduntur tamen hi casus in generali tantum Vicario facta, in omnibus casibus Episcopali bus dispensandi, commissione: & quia delegatus à Principe subdelegare potest, ideo potest etiam specialiter sibi à Pontifice commissas causas, suo Vicario subdelegare Episcopus, nisi videatur personæ industria electa, quæ si mouerit Pontificem ad delegationem huic personæ faciendam, nec Episcopus suo Vicario causam talem subdelegare posse; nec immiscere in causa talis expeditio ne potest Episcopus, si Vicario à Pontifice facta fuerit delegatio. Non tamen extendenda hæc licentia est ad absolvendum à casibus Papalibus, qui per accidens tantum ad Episcopum devolvuntur ob impedimentum v. g. aut difficultatem adeundi Pontificem &c. absque speciali Vicario facta potestate, nam hoc ipso, quod talia ad Episcopum

Compedit, Pirking.

non spæcent jure communi, & ordinario, sed ex speciali privilegio, con sequenter non competunt etiam Vicario ex commissione generali, & jure com muni. Quin etiam in generali conces sione Vicariatus, non venit potestas ab solvendi à casibus Episcopo reservatis, in foro interno, sed debet Vicarius spe ciale ad hoc habere mandatum, cum ex regula in generali 82. de reg. iur. in 6. hæc talia in concessione generali non comprehendantur. Consulenda est re cepta consuetudo circa hæc talia.

### S. VII.

*An Vicarius generalis Episcopi alium sibi substituere possit, & in quo loco exercere suam jurisdictionem possit?*

**Q**uamvis ad breve tempus ob valetu dinem vel necessitatem aliam possit Vicarius generalis alium sibi substituere c. 1. b. t. in 6. non potest tamen alium sibi similem absolute sibi subrogare ad longum tempus, argu. c. Clericus 4. b. t. quia nullus potest suum officium alteri absolute committere, nisi ex legi, an: Principis beneficio hoc illi con cesso sit. Potest tamen vi commissionis generalis unam aut alteram causam ali cui delegare, cum in his causis, quæ vi officii sibi competunt, sit iudex ordinarius, & consequenter alteri delegare pos sit. Potest autem Vicarius hic in quovis diœcesis loco non exempto à jurisdictione Episcopi, suam jurisdictionem exerceere, licet ordinarium suum tribunal habeat in loco consistorii Episcopalis, cum enim eadem sit Vicarii, quæ Episcopi est jurisdictione, Episcopus autem possit in quovis sua diœcesis loco non exempto

T

eam

eam exercere, consequenter etiam poterit Vicarius.

### §. VIII.

*Quis cognoscere possit de delicto,  
aut negligentia Vicarii Episcopalis,  
cumque punire?*

**S**i delinquit, ut persona privata, Episcopus ipse judex est, & privare eum potest, quia in talibus, quae agit ut privatus, non gerit vices Episcopi: si vero delinquit in rebus ad officium suum pertinetibus, ita tamen ut Episcopus non sit in culpa, ad Episcopum pertinet, de delicto tali & negligentia cognoscere, & punire eum: si vero etiam ipse Episcopus in culpa sit, causam talen cognoscere, & punire Vicarium, ad Archiepiscopum spectat, prout sumitur ex c. 1. h. t. i. n. 6, junct. gloss. V. rationali causa: cum enim factum a Vicario censorum in tali causa factum ab Episcopo, consequenter ne in propria causa judex dicatur Episcopus, Vicarii punio, & causa talis cognitio ad Archiepiscopum spectabit, ita ut huic eum sistere etiam debeat Episcopus, si petatur,

### §. IX.

*Quibus modis finiatur, & cessa officium ac jurisdictione Vicarii Episcopalis?*

**C**essat variis modis. 1. Per mortem ipsius Vicarii, nam mors omnia solvit. 2. Per propriam renuntiationem factam ab ipso Vicario, expressam vel tacitam, nisi animo non redeundi, ex Diocesi, in qua constitutus erat Vicarius, discedat. 3. Per mortem Episcopi, aut renuntiationem Episcopi admissam a Su-

periore, vel depositionem, aut translationem Episcopi f. Etiam ad aliam Ecclesiam, cum enim ratione jurisdictionis eadem reputetur Episcopi & Vicarii persona, consequenter hoc jurisdictionem amittente, amittet eam etiam ille. 4. Cessat jurisdictione Vicarii, sicutem quod exercitum, & suspensa manet, si Episcopus in bello v. g. captiatur, ab hereticis, paganis, aut schismaticis, cum enim in tali calo Episcopus habitualiter quidem retineat jurisdictionem, exercitum tamen hujus suspensum maneat, & interea ad Capitulum devolvatur juxta c. si Episcopus 3. junct. gloss. V. sed Capitulum de supplend. neg. prel. in 6. consequenter idem etiam de Vicario Episcopali dicendum; ex quo c. suspensa etiam, & impedita manet jurisdictione Vicarii, si Episcopus excommunicatus, suspensus, vel interdictus sit, uti & jurisdictione Subvicariorum ab ipso Vicario constitutorum, si hic excommunicatus, suspensus, vel interdictus sit, prout sumitur ex c. Roman. 1. h. t. in 6. ita ut acta eorum postmodum facta sint invalida, quamvis reijam non integræ supervenerint, dictæ censuræ, nisi hic non tam Subvicarius, qui eandem cum Vicario potestatem habeat, sed delegatus tantum sit, distinetam habens jurisdictionem a delegante, cuius jurisdictione circa res jam cœptas non expirat per censuras delegantis arg. c. 19. 20. de off. delegat. prout etiam jurisdictione Vicarii in causis delegatis non expirat, re jam cœpta, per supervenientem Episcopi censuram. 5. Denique finitur & cessat potestas & officium Vicarii generalis per revocationem ab Episcopo constitente factam etiam sine consensu Capituli

piruli. Cest enim ad nutum Episcopi amo-  
vibilis Vicarius juxta gloss. Clement. 2. V.  
per Elect. de rescript.) ita tamen, ut gesta  
ab illo etiam post revocationem valeant,  
si hæc revocatio Vicario nondam legi-  
timè intimata sit, vel si communis error  
populi eum adhuc pro Vicario habeat,  
juxta l. Barbarius 3. de off. Prat.

## §. X.

*De Vicario Capituli, sede Epi-  
scopali vacante.*

**N**on tantum potest, sed debet etiam,  
de jure novissimo Trident. sess. 24.  
e. 16. de refor. Capitulum Ecclesiarum Ca-  
thedralis, vacante aut quasi vacante sede  
Episcopali, intra 8. dies post mortem E-  
piscopi Vicarium constitueri, vel consti-  
tutum ab Episcopo confirmare, ita ut in  
casu negligentis quoad hoc Capituli ad  
Metropolitanum illius constitutio devolu-  
tur; vel in casu exemptæ Ecclesiarum ad  
seniorem aut propinquiorem Episcopum.  
Eadem autem est Vicarii talis capitula-

ris jurisdictio, quaæ est Vicarii Episcopa-  
lis, cùm enim in tali casu omnis ju-  
risdictio Episcopi in Capitulum devolu-  
tur, consequenter Capitularis Vicarius  
idem poterit, quod Episcopalis, ita ta-  
men, ut speciali etiam commissione ad  
multa indigeat, sicut indiger Vicarius  
Episcopalis, & insuper etiam ea non pos-  
sit, quæ de jure non potest Capitulum,  
cùm illius potestas non possit esse major  
potestate Capituli, dependens tota tam  
quoad restrictionem, quam ampliationem  
à Capituli potestate, & exprimans  
etiam, quando novus Episcopus fuit  
confirmatus, & Episcopatus possessionem  
acepit, nisi prūs revocetur.

## §. XI.

*De Vicario Pape in urbe, ejus-  
que potestate.*

**V**ideatur de hac materia in nostris  
partibus nihil scitu necessaria e.  
penultimum h. r.



T 2

TITU-